



Broj: 05-19-282/24
Vogošća, 11.03.2024. godine

Na osnovu člana 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22), i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik je dana 11.03.2024. godine donio

ODLUKU O OTKAZIVANJU POSTUPKA JAVNE NABAVKE

Član 1.

Otkazuje se Otvoreni postupak nabavke usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje" broj: 05-19-282/24, iz razloga što su zaprimljene dvije formalno-pravno ispravne ponude sa identičnom cijenom, te ugovorni organ nije u mogućnosti izvršiti dodjelu ugovora prema definisanom kriteriju iz tačke 9.1.1. TD.

Član 2.

Otvoreni postupak se otkazuje u skladu sa članom 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22), odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka nabavke.

Član 3.

Odluka o otkazivanju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 14.02.2024. godine donio Odluku o pokretanju Otvorenog postupka nabavke usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 15.02.2024. godine pod brojem: 1353-1-2-21-3-37/24.

Sažetak Obavještenja o nabavci objavljen je u "Službenom glasniku BiH" broj: 14/24 od 23.02.2024. godine.

Tendersku dokumentaciju sa Portala javnih nabavki BiH je preuzelo 12 (dvanaest) ponuđača. Krajnji rok za dostavu ponuda bio je 07.03.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.03.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 05-19-282/24 iz februara 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Arting BH" d.o.o. Sarajevo	2.222,22	/	/	2.600,00
2	"Geoavas" d.o.o. Sarajevo	1.400,00	/	/	1.638,00
3	"Geo konzalting" d.o.o. Sarajevo	1.400,00	/	/	1.638,00
4	"Geostil" d.o.o. Breza	2.380,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Geostil" d.o.o. Breza ne ispunjava formalno-pravne uslove tražene Tenderskom dokumentacijom i to:

Tačkom 7.2.1. TD propisano je da ponuđači moraju biti registrovani za obavljanje djelatnosti koja je predmet javne nabavke. Kao dokazi istom tačkom TD su propisani Izvod iz sudskog registra ili Rješenje nadležne općinske službe.

Ponuđač "Geostil" d.o.o. Breza je u svojoj ponudi propustio da dostavi jasno propisane dokaze iz tačke 7.2.1. TD.

Ponuđač je na strani 14-15 Ponude dostavio Rješenje broj: 06-14-2-124/21 od 13.04.2021. godine, izdato od Federalnog ministarstva energije, rudarstva i industrije, kojim se utvrđuje da privredno društvo "Geostil" d.o.o. Breza ispunjava uslove u smislu upisa u sudski registar, stručne osposobljenosti i tehničke opremljenosti za obavljanje registrovane djelatnosti iz oblasti geoloških istraživanja na prostoru Federacije BiH.

Komisija za javne nabavke je zauzela stav da se dostavljeni dokument ne može prihvatiti kao validan dokaz, jer isti kao takav nije propisan odredbama predmetne TD.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno nepravilna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da ponude ponuđača:

- "Arting BH" d.o.o. Sarajevo,

- "Geoavas" d.o.o. Sarajevo i

- "Geo konzalting" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tačkom 9.1.1. TD je propisano: "U skladu sa članom 64. Zakona kriterij za dodjelu ugovora je najniža cijena".

Član 69. stav 3. Zakona o javnim nabavkama BiH ("Službeni glasnik BiH", broj 39/14 i 59/22) propisuje da ugovorni organ može otkazati postupak javne nabavke samo zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obzirom da su u predmetnom postupku nabavke zaprimljene dvije ponude sa identičnom cijenom (1.400,00 KM bez uračunatog PDV-a), to znači da ugovorni organ ne može izvršiti dodjelu ugovora prema definisanom kriteriju iz tačke 9.1.1. TD.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o otkazivanju Otvorenog postupka nabavke usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje", iz dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a sve u skladu sa članom 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22).

U postupku donošenja ove Odluke nesumljivo je utvrđeno da postoje dokazivi razlozi izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkazivanje postupka javne nabavke.



Iz navedenih razloga, a u skladu sa članom 69. stav 3 Zakona o javnim nabavkama BiH odlučeno je kao u dispozitivu ove Odluke.


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o otkazivanju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK

Migdad Hasanović

Dostavljeno:

1. "Arting BH" d.o.o. Sarajevo
2. "Geoavas" d.o.o. Sarajevo
3. "Geo konzalting" d.o.o. Sarajevo
4. "Geostil" d.o.o. Breza
5. Nadležnoj Službi
6. U dosije
7. a/a

artingbh@gmail.com
geo@geoavas.ba
elvir.manso@geokonzalting.ba
nermin.cosic@hotmail.com